



FUTSAL

1. NAMA

Pertandingan ini dinamakan Kejohanan Futsal Sukan Majlis Sukan Universiti Malaysia (SUKAN MASUM).

2. PENGELOLA

- 2.1 Sukan MASUM ini dikelolakan oleh Majlis Sukan Universiti Malaysia (MASUM) dengan kerjasama dari semua Universiti Awam di Malaysia yang bergabung dengan MASUM.
- 2.2 Bagi maksud pengelolaan, Majlis MASUM bertanggungjawab dengan perkara-perkara dasar dan boleh menyerahkan kuasa pengelolaan serta aktiviti Sukan kepada mana-mana ahli MASUM atau satu jawatankuasa khas yang ditubuhkan oleh Majlis MASUM.
- 2.3 Adalah menjadi tanggungjawab jawatankuasa pengelola menerangkan secara lengkap dan jelas peraturan pertandingan Futsal MASUM kepada badan/persatuan sukan/orang perseorangan yang terlibat dalam pengelolaan Kejohanan ini.

3. KELAYAKAN

- 3.1 Semua Universiti Awam di Malaysia yang bergabung dengan Majlis Sukan Universiti Malaysia layak menyertai Sukan MASUM dan universiti-universiti yang dijemput MASUM.
- 3.2 Peserta
 - 3.2.1 Semua pelajar yang berdaftar dan menghadiri kursus sepenuh masa di peringkat Diploma dan Ijazah Pertama yang ditawarkan di Universiti Awam Malaysia yang menjadi ahli MASUM.
 - 3.2.2 Semua pelajar yang berdaftar dan menghadiri kursus sepenuh masa di peringkat pasca siswazah layak mengambil bahagian dengan syarat mendapat pengesahan daripada Jabatan Pengajian Siswazah Univesiti masing-masing.
 - 3.2.3 Pelajar Pra-U, Pra-Diploma, Pra-Ijazah, adalah tidak dibenarkan mengambil bahagian. Hanya Pelajar Pra-U, Pra-Diploma, Pra-Ijazah, Matrikulasi dan Kursus Asasi yang diuruskan oleh universiti berkenaan dibenarkan mengambil bahagian.
 - 3.2.4 Pelajar-pelajar tahun akhir yang telah menamatkan pengajian hanya layak mewakili universiti sehingga semester berkenaan berakhir sahaja.

4. KAD AKREDITASI

- 4.1 Semua peserta dikehendaki membawa bersama kad matrik sepanjang Sukan MASUM dijalankan.
- 4.2 Jawatankuasa Pengelola adalah bertanggungjawab untuk menyediakan Kad Akreditasi kepada semua Pegawai dan Atlet yang mengambil bahagian. Pemakaian Kad Akreditasi adalah DIWAJIBKAN sepanjang kejohanan berlangsung.

1. BILANGAN PEGAWAI/PESERTA

- 5.1 Bilangan pegawai dan peserta adalah seperti berikut:

BIL	Bil. Pemain	Bil. Peserta	Bil. Pegawai
1.	Futsal (L)	12	2
2.	Futsal (W)	12	2

- 5.2 Penyerahan Penyertaan

Tiap-tiap universiti atau kontinjen dikehendaki mengemukakan Borang Pengesahan Penyertaan kepada pihak Pengelola tidak lewat daripada 90 hari sebelum tarikh kejohanan bermula dan borang pengesahan atlet diserahkan kepada pihak Pengelola tidak lewat daripada 30 hari sebelum tarikh kejohanan.

- 5.3 Borang Pertandingan

- 5.3.1 Semua pasukan dimestikan menggunakan borang pendaftaran Futsal MASUM dan borang perlawanan Futsal MASUM
- 5.3.2 Semua borang pendaftaran pasukan hendaklah ditandatangani Oleh Pengarah atau Ketua Pusat/Unit Sukan dan diserahkan kepada Jawatankuasa Pengelola Futsal MASUM.
- 5.3.3 Hanya pemain yang berdaftar di dalam borang pendaftaran permainan semasa taklimat pengurus-pengurus pasukan sahaja layak mengambil bahagian.

2. REFERI KEHORMAT/KETUA PENGADIL

- 6.1 Pengadil bertauliah akan disediakan oleh Jawatankuasa Pengelola bagi tiap-tiap permainan yang dipertandingan mulai dengan peringkat awal.
- 6.2 Referi kehormat/Ketua Pengadil hendaklah disediakan oleh Jawatankuasa Pengelola sepanjang pertandingan dijalankan bagi semua permainan yang dipertandingkan.

3. PAKAIAN

- 7.1 Setiap pemain/pasukan hendaklah memakai pakaian yang dibenarkan dalam undang-undang permainan Futsal .
- 7.2 Jika kedua-dua pasukan memakai pakaian yang sama warnanya, pasukan yang namanya mula-mula tercatat dalam jadual pertandingan mestilah menukar kepada pakaian yang lain warnanya.

8. PERALATAN

- 8.1 Semua jenis peralatan permainan akan ditetapkan oleh Jawatankuasa Teknikal MASUM dan hendaklah disediakan oleh Jawatankuasa Pengelola.
- 8.2 Semua peralatan dan padang/gelanggang hendaklah disediakan oleh Jawatankuasa Pengelola dan mengikut spesifikasi yang dibenarkan.
 - 8.2.1 Pengelola Sukan MASUM hendaklah memberitahu Majlis MASUM jenis-jenis kemudahan padang atau gelanggang yang digunakan semasa kejohanan.

9. SISTEM PERTANDINGAN


Pertandingan ini dijalankan mengikut Zon Universiti masing-masing iaitu Zon Utara, Zon Selatan, Zon Tengah B, Zon Timur dan Zon Tengah A .

Sistem pertandingan akan dijalankan secara Liga setiap zon. Johan dan Naib Johan setiap zon akan layak ke pusingan seterusnya iaitu 'Grand Final'.

- 9.1 Cara Empat (4) Kumpulan (Grand Final)
 - 9.1.1 Pasukan akan dibahagikan kepada Tiga (3) kumpulan (A, B dan C)
 - 9.1.2 Setiap kumpulan mengandungi sekurang-kurangnya 4 pasukan melalui cabutan undi.
 - 9.1.3 Johan setiap zon akan diundi terlebih dahulu untuk mengisi kedudukan Kumpulan dan diikuti dengan pasukan Naib Johan.
 - 9.1.4 Johan setiap kumpulan A,B dan C akan layak ke pusingan Suku Akhir seperti berikut:
- 9.2 Cara Tiga (3) Kumpulan
 - 9.2.1 Pusingan Awal
 - 9.2.1.1 Sekiranya penyertaan terdiri daripada sembilan (9) pasukan, pertandingan akan dijalankan berikut:
 - 9.2.2 Pusingan Suku Akhir

9.2.2.1 Johan dan Naib Johan setiap kumpulan adalah layak untuk memasuki pusingan Suku Akhir.

9.2.2.2 Johan A dan Johan B diberikan "Bye" seperti berikut:-



10. UNDIAN DAN JADUAL PERTANDINGAN

Undian akan dijalankan oleh Jawatankuasa Teknikal MASUM dan susunan jadual pertandingan akan dibuat oleh Jawatankuasa Pengelola mengikut format yang ditetapkan oleh Jawatankuasa Teknikal MASUM.

11. PEMBERIAN MATA

Menang - 3

Seri - 1

Kalah - 0

Atau mengikut syarat pemberian mata peraturan permainan yang mempunyai sistem pemberian mata sendiri.

12. KELEWATAN

12.1 Senarai nama pemain hendaklah diserahkan kepada meja urusetia permainan sebelum masa perlawanan bermula. Hanya 5 minit Masa menunggu akan diberikan kepada setiap pasukan selepas masa yang telah ditetapkan dalam jadual perlawanan.

12.2 Semua perlawanan akan dijalankan mengikut masa yang ditetapkan.

13. PENANGGUHAN

- 13.1 Tarikh, masa dan tempat perlawanan yang telah ditetapkan/jadualkan sama sekali tidak boleh diminta tangguh atau diubah oleh pasukan yang mengambil bahagian.
- 13.2 Jawatankuasa Pengelola adalah mempunyai kuasa mutlak untuk menangguh atau mengubah sesuatu perlawanan dengan diberitahu terlebih dahulu atau diputuskan dengan serta-merta.
- 13.3 Mana-mana perlawanan yang ditangguhkan Jawatankuasa Pengelola hendaklah menetapkan semula perlawanan yang ditangguhkan itu.

14. MENARIK DIRI DAN MENYERAH KALAH

- 14.1 Setiap pasukan dimestikan menghabiskan setiap perlawanan dan tidak boleh dengan sengaja memberi kemenangan percuma kepada pihak lawan untuk perlawanan yang akan atau sedang berlangsung. Setiap pasukan dikehendaki meneruskan permainan walaupun telah layak untuk pusingan seterusnya.
- 14.2 Jika berlaku kecederaan sebelum perlawanan dan pasukan terlibat memberi kemenangan kepada pihak lawan maka pemain yang cedera mestilah mendapat pengesahan daripada Doktor Universiti yang disediakan oleh Tuan Rumah/Jawatankuasa Pengelola.

15. RAYUAN/BANTAHAN

- 15.1 Sebarang bantahan atau rayuan hendaklah dibuat secara bertulis oleh pegawai/pengurus pasukan dan disahkan oleh Pegawai Unit/Pusat Sukan Universiti berkenaan dan hendaklah diserahkan kepada Setiausaha Jawatankuasa Pengelola atau wakilnya dalam tempoh tidak lebih dari satu (1) jam selepas tamat perlawanan atau mengikut masa yang ditetapkan oleh permainan tersebut dengan disertakan wang tunai sebanyak **RM250.00** (Ringgit Malaysia Dua Ratus Lima Puluh Sahaja) sebagai cagaran dan yuran proses.
- 15.2 Wang cagaran itu akan hilang dan menjadi pendapatan MASUM sekiranya bantahan atau rayuan itu tidak diterima.
- 15.3 Sekiranya bantahan atau rayuan diterima oleh Juri Rayuan maka wang cagaran sebanyak RM 200.00 sahaja akan dikembalikan.
- 15.4 Semua bantahan/rayuan hendaklah ditulis dalam Bahasa Malaysia.

16. JAWATANKUASA BANTAHAN/TATATERTIB TERDIRI DARIPADA 5 ORANG YANG TERDIRI DARIPADA SEPERTI BERIKUT:-

- 16.1 Pengerusi Jawatankuasa Teknikal MASUM atau wakil dari kalangan ahliMASUM

16.2 Pengerusi Teknikal Kejohanan atau wakil Pengerusi Permainan atau Pengarah Kejohanan

16.3 Tiga orang Ahli Jawatankuasa Permainan MASUM yang berkecuali.

17. JURI RAYUAN

Jawatankuasa Pengelola hendaklah menubuhkan Juri Rayuan yang terdiri Tiga (3) orang – minimum atau Lima (5) orang – maksimum daripada sekurang-kurangnya 3 buah universiti yang berbeza. Ahli-ahli hendaklah terdiri:-

- a. Pengerusi MASUM atau wakil
- b. Pengerusi Jawatankuasa Teknikal MASUM atau wakil
- c. 3 orang Ahli Majlis MASUM yang berkecuali.

18. TINDAKAN TATATERTIB

Seseorang pemain yang digantung permainannya oleh badan-badan tersebut dibawah tidak dibenarkan menyertai sebarang pertandingan dalam tempoh pergantungannya:-

1. Universiti Awam di Malaysia
2. Majlis Sukan Universiti Malaysia (MASUM)
3. Persatuan Permainan Negeri
4. Persatuan Permainan Kebangsaan

19. SIJIL

Sijil Penyertaan akan disediakan oleh JAWATANKUASA MASUM dan akan diberi kepada semua peserta.

20. HADIAH

Hadiah akan disediakan oleh pihak MASUM untuk Pemenang -pemenang Pertama, Kedua dan Ketiga berserta Medal pasukan.

21. PIALA PUSINGAN

19.1 Pasukan yang menang adalah bertanggungjawab ke atas penjagaan Piala Pusingan.

19.2 Pasukan yang menang adalah bertanggungjawab untuk memulangkan dan menyerahkan Piala Pusingan dalam keadaan yang baik kepada Jawatankuasa Pengelola 6 bulan selepas kejohanan tamat.

19.3 Sekiranya Piala Pusingan didapati rosak atau hilang semasa dalam simpanan pasukan yang menang, pasukan berkenaan hendaklah membaiki atau menggantikannya.

22. DENDA

Mana-mana pasukan yang menarik diri selepas tempoh pengesahan penyertaan tamat, maka pasukan tersebut tidak dibenarkan untuk menyertai Futsal MASUM pada tahun berikutnya.

23. PERATURAN LAIN YANG TIDAK DINYATAKAN

- 21.1 Peraturan-peraturan di atas hendaklah dipatuhi melainkan jika ada dinyatakan berlainan dalam pertandingan permainan tertentu.
- 21.2 Semua perkara yang tidak dinyatakan dalam peraturan Am ini akan diputuskan oleh Jawatankuasa Induk MASUM dan keputusannya adalah muktamad
- 21.3 Sebarang pindaan, tambahan atau perubahan peraturan yang ditetapkan TIDAK DIBENARKAN semasa taklimat Pengurus Pasukan.